



巴縣志

全函
十七卷

ル 5
1503
5



1503
5

1503
5

巴縣志卷之八 名宦



名宦志

治績

漢

杜安字伯夷潁川定陵人少有志節年十三入太學京師貴戚慕其名或遺之書安不發壁藏之及後捕貴戚賓客出書封印如故朝論引重仕

巴郡太守恤民禮士政績有聲子根永初元年
舉孝廉爲郎中以諫鄧太后歸政撲殺幾死順

帝時擢尙書郎終濟陰太守

通志載杜根蜀漢
巴郡太守名宦祠

亦作根
竝誤

應季先巴郡太守政尙寬仁不事深刻旌淑別慝
風化大行郡人嚴王思官揚州刺史以廉稱喪
歸揚民義崇者齎錢百萬贍王思家王思子徐
州刺史清介有父風卻不受義崇散以食行客
先聞作嚴王思詩美世德且旌義云詩見藝文

吳資字元約泰山人永建中巴郡太守政和民樂
屢獲豐年歌風頌德徧及閭閻及遷去民思慕
并能忘歌載藝文祀名宦

但望字伯闔泰山人桓帝時巴郡太守運機布政
恤隱拯憂郡境廣遠吏民于役維艱因郡文學
掾趙芬等請陳分巴疏見藝文祀名宦

張訥靈帝時巴郡太守廉平不苛民用和樂中平
五年立碑頌德祀名宦

樊敏字叔達廬山人獻帝時益州劉牧表擢巴郡

太守勤政恤民彈克糾貪務鋤民穢以老乞身
養疾閭里有樊府君碑見藝文

張道陵字漢輔犍爲郡人秉性嚴直經明行修永
平二年拜江州縣令廉明威信扶弱鋤強歷司
空封侯漢安二年解官學道邑人思慕立張府
君祠祀之

楊仁字文義巴郡閬中人建武中仕巴郡功曹參
斷敏決案無留贖詔補北宮衛士令引見問當
世政迹仁奏以寬和任賢抑黜驕威又上便宜

十二事帝嘉納焉

陳禪字紀山巴郡安漢人仕郡功曹舉善黜惡邦
內畏服歷遷司隸校尉

趙芬宕渠人馮尤弘農人龔榮王祈李溫墊江人
嚴就胡良文愷臨江人陳禧安漢人黃聞閬中
人母成陽譽喬就張紹牟存平直江州人桓帝
時竝仕巴郡文學掾通經學古才優吏事覃思
集益協力和衷巴郡境廣千里公役往還不便
芬等合詞詣郡請分巴戶曹史枳白之太守但

望疏聞分巴訟暨枳白竝見藝文

蜀漢

李嚴字正方南陽人
 以才幹稱章武四年拜前將軍
 移屯江州更築大城周十六里
 造蒼龍白虎門別郡縣倉厥功甚偉
 欲穿城後山自汶江通水入巴江
 以去漢中不果請於丞相諸葛亮
 以五郡置巴州不許八年遷驃騎將軍
 將兵二萬赴漢中子豐為江州都督
 嚴祀名宦
 廖立字公淵武陵人昭烈帝領荊州
 牧辟為從事

擢長沙太守帝入蜀諸葛亮鎮荊州
 孫權使通好於亮問士人誰相經緯者
 亮曰龐統廖立楚之良材當贊興世業
 建安二十年權遣呂蒙掩襲南郡
 立脫身走歸帝以為巴郡太守練士卒
 葺城堡資保障焉
 費觀字賓伯江夏鄘人昭烈帝定蜀
 拜裨將軍遷巴郡太守江州都督
 通明和易不事刻覈建興元年封都亭侯
 加振威將軍觀為人善交接都護李嚴
 性矜傲護軍輔匡等年位與嚴相次嚴

不與親觀年少嚴二十餘歲與嚴通好公事和協無相梗卒年三十七

楊顥字子昭襄陽人巴郡太守政尚寬簡而條教嚴明人莫干其法丞相諸葛亮嘗自校書顥以書諫亮謝之後爲東曹屬典選舉顥卒亮垂泣三日

輔匡字元弼襄陽人巴郡太守性剛嚴勤於政建武中遷鎮南右將軍封中鄉侯

鄧芝字伯苗新野人司空禹之後初爲廣漢太守

遷尚書昭烈帝崩後帝使芝重申吳好反覆論說吳主大悅及亮北駐漢中以芝爲中監軍亮卒遷前將軍都督江州權數與芝相聞餽遺優渥延熙六年就遷車騎將軍十一年涪陵國人殺都尉反芝率軍征討梟其渠帥百姓安堵十四年卒芝賞罰明斷善卹卒伍不治私產死之日家無餘財性剛簡不飾意氣於時人少所敬貴惟器異姜維云

王濬字士治弘農人巴郡太守時巴人苦於征役生子多不舉濬嚴科條寬徭役所活數千人及濬伐吳所活者皆堪入伍其父母戒之曰王府君活爾今宜死之諸卒感激奮勇卒以成功祀名宦

隋

蕭瓘渝州長史有至性教民孝弟居母喪哀毀卒士民感泣如失父母祀名宦

唐

田洄渝州刺史嫻韜略能平劇賊治郡誠信廉能民懷其惠致政家貧祀名宦

嚴震梓州鹽亭人登進士官渝州刺史廉明公信雅重文學士民愛慕累遷山南東道節度使進同中書門下平章事建中開韋正表其治行爲山南第一封太保卒諡忠穆

宋

楊泰之字叔正青神人蜀名儒楊虞仲子少刻志力學臥常不設榻慶元元年類試補瀘州尉改

什邡再調綿州累知富順果州遷大理少卿立
 朝耿直無避忌紹定元年入對詔知重慶府為
 書別丞相曰宰相執事無大於用人有道去自
 私之心恢容人之度審取舍之擇而已至官箴
 綱紀舉廢墜緝奸宄警游惰俗用大變通志
唐渝州刺史誤
 趙與邁嘉祐中知南平軍捐俸置慈惠莊以惠窮
 民民懷其德

石恕靖康之難金人蹂躪中原時恕總夔路兵馬

攝南平軍事聞二帝北狩率兵勤王徑抵南京
 高宗以軍事付之恕凡三守斯土深得民心祀
 名宦

孫安國通判南平軍喜功者誘漆潘二州納真興
 版築國極陳無益乞省罷之

曹幽字西土瑞安人嘉泰二年進士重慶司法參
 軍供職勤慎郡守度正欲薦之幽辭曰章司錄
 母老請先之正欽歎後召為司諫與王萬國郭
 磊卿徐清叟俱有直聲號嘉熙四諫祀名宦

廖彥正奉節人南平司錄叅軍徽宗求言正上封事論時政缺失被召會修河除都水使中人有與爭者正欲力正其罪遂被斥後與黨籍

張稅字仲山廣漢人紹興二年進士夔州路提點刑獄為政一本忠厚不為赫赫之譽下教禁戢四事拷掠毋得過數繫治毋得踰律訊問必躬臨疾病必以實合一路之獄凡六十餘所令下踰月以獄空聞者三十八所又夔恭二州欠經制錢一萬七千有餘稅言於朝併他路得免其

按篤於厚民類如此

元

趙世延字子敬其先雍古族人祖朮要甲以大元帥鎮蜀因家成都世延喜讀書究心儒者體用兼之學歷官中外多實政延祐五年拜四川行省平章即重慶路立屯田物色巴縣江津閒田七百八十三頃摘軍千二百人墾之歲得粟萬一千七百石裕軍糧舒民食稱善政云

明

殷哲山東膠州貢士洪武初知重慶府有才識廉
平公正吏懾民懷洪武十二年召爲中書省叅
政旋遷中書左丞事關國計慷慨論列無所鯁
避時稱忠直

潘賢浙江寧波進士洪武中知重慶府廉謹有才
吏民畏服豪橫屏跡祀名宦

任毅山西長子進士洪武中知重慶府有幹濟才
郡當繁劇事無留滯祀名宦

姚善字克一湖廣安陸人洪武中重慶同知廉能
有聲擢守蘇州通達政體張弛寬密悉協時宜
造請賢士廣求治道靖難兵起督諸郡兵勤王
被執語不遜死祀名宦

金叔榮江西浮梁進士洪武中重慶推官讞獄明
允人無冤抑

田子真字樸齋明州人洪武中知巴縣政尙寬平
勸民力穡興學課士獎勵生徒一時出其門者
多爲名臣祀名宦

邢冕新鄉進士洪武中知巴縣潔已愛民廉平有

聲永樂初擢守重慶禁橫征祛宿弊善政甚多
祀名宦

朱仲智

仲一作大

浙江金華人洪武末知吉安府有聲

改重慶寬厚廉潔剷革利弊禮賢愛民民戴慕
之

胡靖河南睢州進士永樂中知重慶府廉明耿介
吏戢民安卒於官士民無不流涕祀名宦

饒伯純永樂中巴縣縣丞廉幹勤慎民懷其德為
之歌曰井井鄉鄉絕叫囂桑麻盈野黍盈郊如

何百姓相安好縣有清官說姓饒

孫曰良江西豐城進士宣德中知重慶府廉介勤
慎興學勸農累官都御史祀名宦

蔣誠江西南安人宣德中知巴縣廉慎公勤興學
勸農士民戴德播之歌謠歷陞廣西副使民永
懷焉

李庸江西吉水進士景泰中知重慶府耿介有為
興起學校士子多所成就祀名宦

毛泰河南南陽進士景泰時擢重慶守洗冤獄為

學宮士樂民懷祀名宦

王澂景泰中以國子生授巴縣令慈祥節儉在任三年一介不取人稱其廉卒於官貧不能歸士民賻以行夾路泣送立祠祀焉

楊洪銅鑼驛驛丞廉靜寡欲驛中所需悉準時值購辦民無尅累成化十三年六月大旱苗就槁洪齋宿虔禱雨降苗蘇願修橋路以答神貺次日甘霖大沛禾立起閭里頌德曰此楊公雨洪捐俸建萬壽橋石梁三洞再圯再修獨任其成

路無衝僻咸與平治行人稱便

劉思賢湖廣石首進士弘治中知重慶府秉性剛正興學愛民不附權要以非罪去官士民惋惜泣送於道祀名宦

董朴湖廣麻城進士弘治時爲重慶太守潔已愛民整躬率下明禮儀正風俗以艱去渝人思慕銘德於石祀名宦

屈直德陝西華陰進士知重慶府明習律令剛介不私吏民無干法者朝天門外大江中有臥石

碑見則年豐名豐年碑一名雍熙漢晉唐宋歷
有石刻弘治改元碑見歲饑十二年再見德鐫
記於石言碑見不可恃官宜修政民當節用毋
懈毋侈甚盛心也記詳古蹟祀名宦

方悅江西浮梁進士弘治閒司李重慶公正慈明
不恃才任性遇疑獄再四詳鞫務得其情民以
不冤祀名宦

王璫江西人弘治中巴縣令創修縣治勸農桑平
賦役廉能最著祀名宦

戈諫雲南永昌人正德閒知巴縣廉明果斷有幹
濟才興利除弊不避權貴聽讞精敏一訊卽決
祀名宦

王乾章字震所浙江東陽人嘉靖壬戌進士由郤
史擢上川東道正己率屬節用愛民道兼兵巡
嚴紀律恤士卒兵民安戢三載以憂去

劉繪字子素河南光州進士嘉靖中以給事中知
重慶府持已方嚴與人和易時有清介府主與
民同樂之謠尤愛士作人建凝道書院檄州邑

士之秀異者讀書其中躬親講課歲大比與賢書者居半人文之盛甲於一時士人嚮慕祀名宦

程學博湖廣孝感進士嘉靖中知重慶府才識敏練果於擔當諸所興除不承風旨蔡懋七之變州縣以下賊黨多伏郡城憚其威名不敢發博以計擒之州邑皆復摘發如神得其情每多矜恤又愛士如子弟有小過輒曲意覆之事過則厲責不少假士皆感憤無復踰閑丁艱跣足去

士民擗踊遮道送焉祀名宦

張希召字鳳樓山東高苑進士隆慶四年由戶部郎出守重慶秉公勅度安良緝宄奸豪憚服待屬吏以禮推心置腹謝絕餽獻有過誤委曲化導庇其字者咸稱吏師歌父母

任惟一字樂山陝西鞏屋人隆慶戊辰進士授巴縣令器識宏遠持守剛正壬申擢御史歷浙江叅議

鄭宗學字心宇湖廣興國州人隆慶辛未進士壬

申春授巴縣令性警敏剔蠹除奸鋤強植弱政
譽赫然萬曆乙亥選御史歷雲南叅議

傅良諫字忠所江西臨川進士萬曆初知重慶府
廉能有聲遷副使平播之役與有勞焉

趙方立字介石陝西盩厔人萬曆四年任重慶府
同知廉潔勤慎不輕預外事郡鼓樓舊有漏壺
四洪武時奉勅置歲久寢廢立有志修復命
太守良諫入覲立典郡篆命匠修治之通判張
啟明為記

張啟明湖廣武昌人萬曆初重慶府通判廉幹勤
慎能文章趙司馬方立重修漏壺明為之記見
藝文

張文燿字芝陽湖廣沅陵人萬曆丁丑進士初任
銅梁調巴縣精神敏捷滌垢恤隱賢聲懋著癸
未擢御史尋兵備川東平播之役制撫軍駐節
渝城調遣轉輸多賴之播平晉秩憲長丈量田
賦公私之額盈縮之制皆其更定善後之功居
多

蒲林號小山陝西咸寧舉人授綦江令精明仁恕
 善政多端萬曆丙申遷重慶安邊同知廉介縝
 密信孚夷漢以讒被逮士民白其事立碑誌棠
 思焉

傅光宅山東聊城進士萬曆中以御史左遷歷工
 部郎知重慶府時播賊猖獗總制李化龍駐渝
 城宅督理戎馬軍糧有方略播平弔忠義瘞遣
 骼輯流亡撫瘡痍修學宮捐俸率作一本誠懇
 遷遵義兵巡道祀名宦

毛羽健字芝台湖廣公安人天啟壬戌進士初知
 萬縣威惠大著調巴邑廉介有為不縱不苛遷
 御史有去後思

傅宗龍雲南昆明人年十七成進士知巴縣精明
 仁厚豪雄懾服黎庶允懷縣境張關山元末為
 張坤氏巢竊據橫行明初始殲平山深地曠宵
 小潛藏仍為民害龍建舖舍集居人商旅稱便
 又於山腰捐立涼亭以休行者勤政恤民治率
 類此歷陞四川巡撫遷尚書尋總督陝西與保

定總督楊文岳會師河南擊賊李自成至陳州
兵潰龍穿塹拒守八日矢石俱罄被執不屈死
徐世淳浙江嘉興人司李重慶禁誅求省厨傳所
至不知有官若摘大奸折大獄斧劈理解雖賁
育不能奪遷知隨州時張獻忠賊氛甚熾淳力
繕城守寢食譙樓謂僚屬曰我與公等枕戈待
敵此樓爲死所矣城破勒馬巷戰死

皇清

何毓秀字瀛菴遼東副榜本姓劉河南確山人順
治十七年知重慶府時渝甫平招集流移勞心
勸撫字郡邑賴有起色擢臨沅道歷山東按察使
陳丹赤字獻之福建侯官舉人司李重慶政體清
嚴推鞠不假刑威一獻得情以卓異陞駕部郎
中歷溫處道攝臬篆入覲歸至東昌聞耿逆
變兼程至東甌繕城堡嚴防禦時鎮帥祖弘勳
通逆黨脅之降赤正色慷慨開陳大義弘勳曰
公獨不念骨肉墳墓乎赤曰吾知以死報國不
知其他弘勳殺之贈通政使諡忠毅祀名宦

孫世澤鑲紅旂漢軍監生由漢中別駕擢守重慶
時渝寇初平諸務周張澤調劑軍民均田賦恤
凋殘興學校於地方大有裨益

韓成字君輔山東膠州人重慶鎮總兵法令嚴明
蠻夷率服遇旱禱雨輒應郡城火於火所肅拜
忽返風火滅在任十有七年兵民感戴贈都督
祀名宦

陳邦器字允匡鑲紅旂漢軍難廕知重慶府瀟灑
和易政尚寬平善書遇名勝地輒留題磨崖鐫
碑見者欽爲墨寶豐瑞樓澄清樓澄鏡亭五
宮各城樓多器修建

胡樑直隸天津人巴縣典史供職勤慎操守廉謹
縣學尊經閣歲久傾圮康熙四十九年樑捐俸
修建有碑

陳士鑛浙江秀水貢生重慶太守廉正剛介執法
嚴明誅鋤豪右一郡肅然

曾光祖遵義舉人重慶府學教授課士誠勤人無
智愚咸樂與遊以陞任去士人思慕每新任至

輒曰視曾先生何如

譚懋學字愿洲廣東仁化舉人知巴縣在任七載

坦易廉平不尚刻覈士民安樂咸稱愷弟

魯岱字人岳浙江山陰庠生嫻韜略善騎射保舉

授武職歷重慶鎮中營遊擊飭戎行撫士卒兵

戢民安文武和協喜吟咏酷好陶詩有詩見藝

文

朱世恩字石亭浙江錢塘貢生重慶府經歷勤慎

廉靜不妄干預長吟咏署後鑿墨池秋水一泓

臨流攄藻風致灑然

王繼會正黃旂漢軍舉人雍正四年任巴縣實心

爲民不事矯激奉丈田畝差員刻意苛求猾胥

舞弊浮加會白巡道陸賜書從容查丈盡得其

實不悞公不病民巴人戴德不忘

陸賜書江南長洲進士分巡川東道清正寬和留

心民瘼丈田之役巴令王繼會得從容查辦不

病民者書有隱德云

李夏字長夏號雲峯通江副榜巴縣教諭植品清

中興志 卷之八
嚴課士整肅諸生有以事詣宰室者必切責之
或無辜被累則多方保護不使善類受傷廉於
取好讀書賦詩晨炊無備不計也在任十七年
歸無資豪興不衰

李厚望字澹園直隸蔚縣進士由寧遠調守重慶
廉靜正直捐俸數百金建渝州書院厚脩脯延
名師爲山長按月召試優者獎勵暇則躬詣書
院面進諸生異語善誘厚相勗勉至今多士思
之

張松陝西郃陽人雍正庚戌進士知巴縣居心坦
白操守清廉勤政恤民不假刑服以憂去士民
遮道攀轅復磨崖頌德不忘

韓服巴行人周桓王十七年巴子使服告於楚請
 與鄧好楚使道朔將服聘於鄧鄧南鄙鄧人奪
 幣殺朔及服楚讓於鄧弗受使鬬廉帥師及巴
 師圍鄧鄧師救鄧楚巴夾攻鄧敗鄧人潰
 巴蔓子為巴將軍國亂乞師於楚許以三城楚既
 救巴遣使請城蔓子曰藉楚之靈克弭禍患誠
 許楚三城可將吾頭往謝城不可得也乃自刎

忠義

周

韓服巴行人周桓王十七年巴子使服告於楚請
 與鄧好楚使道朔將服聘於鄧鄧南鄙鄧人奪
 幣殺朔及服楚讓於鄧弗受使鬬廉帥師及巴
 師圍鄧鄧師救鄧楚巴夾攻鄧敗鄧人潰
 巴蔓子為巴將軍國亂乞師於楚許以三城楚既
 救巴遣使請城蔓子曰藉楚之靈克弭禍患誠
 許楚三城可將吾頭往謝城不可得也乃自刎

楚使持其首報楚王楚王曰使吾得臣如蔓子
用城何為乃以上卿禮葬其首巴亦舉其尸以
禮葬焉祀鄉賢

漢

趙部巴郡太守黃巾賊馬相寇巴郡被執不屈遂
遇害

嚴顏建安中為劉璋將領巴郡太守璋用張松言
迎昭烈入蜀至巴郡顏拊心歎曰此所謂獨坐
窮山放虎自衛也張飛破江州獲顏呵曰何不

降顏曰卿等無狀侵奪我州我州但有斷頭將
軍無降將軍也飛怒令左右斬之顏色不變曰
斫頭便斫頭何怒為飛壯而釋之璋敗顏自刎
死

宋

張珏字君玉隴西鳳州人年十八從軍釣魚山以
戰功累官中軍都統制人號為西蜀虓將德祐
元年陞四川制置副使知重慶府元兵攻重慶
珏死守屢招降不從都統趙安與帳下韓忠

夜開門降珏巷戰力盡歸索鳩飲左右置鳩以
小舟東走涪元萬戶鐵木兒追執之至安西自
經死

劉霖永川人少負豪俊材客遊瀘州與先坤朋友
善德祐元年瀘州安撫梅應春降元霖走重慶
詣太守張珏獻計復瀘珏遣所部將附霖破之
獲應春斬之復瀘地聞於朝以霖知南平軍復
與珏同守重慶趙安降霖被執不屈死

曹琦蜀進士知南平軍元兵來攻被執既脫制置

辟主管機宜文字重慶都統趙安降琦自經死
程聰重慶都統聰在渝力主守城制置張珏以元
兵攻涪急使守涪張德潤破涪聰被執德潤以
肩輿載聰歸語之曰若子鵬飛爲叅政矣早晚
可會聚也聰曰我執彼降非吾子也卒不從

元

完者都蒙古人爲重慶行省右丞至正乙未明玉
珍襲重慶執左丞哈林禿都走嘉州與叅政趙
資郎革歹屯兵謀復渝玉珍使弟明二攻之相

持半載玉珍自攻乃潰執都及資革反詣重慶
欲官之不屈斬於市以禮葬焉

趙資郎革反竝爲行省叅政右丞完者都自重慶
來與共守嘉定明玉珍弟明二養子明三奴攻
嘉定城陷都革反走資保凌雲寺三奴執其妻
子招降資曰癡婦不死何爲汝不見平章婦乎
平章婦乃革反妻成都陷時赴水死者語畢以
強弩射殺其妻凌雲陷資領敗兵與都革反會
龍山謀興復被執至重慶玉珍欲官之三人抗

志不屈同日斬於市巴渝稱曰三忠

明

王暉洪武初中書省叅政奉使重慶招明昇被執
不屈死之

馮傑涿鹿衛進士正德初分巡川東道藍廷瑞作
亂傑親率士卒大戰於鐵山關力盡被縛大罵
不絕遂遇害

徐可求由進士歷副都御史巡撫四川秉政清肅
卓有風裁以調發援遼兵移節重慶時蘭僎奪

崇明及子寅久蓄異志會徵兵之便乃使心腹賊目樊龍張彤領兵出天啟元年九月十七日可求下演武場點兵倍於調額且多被擄童子而樊賊厲聲索餉可求怒曰何得無禮樊龍遂以手揮張彤等賊衆競上旗鼓官王登爵挺身蔽之立被殺自撫軍徐可求下監司守令等官同時見害

駱日升福建進士川南巡道素有風裁爲奢賊忌監軍重慶遇變尤酷

孫好古雲南楚雄進士川東守道奢酋之叛古奮罵不絕遇害

李繼周川東巡道嚴明剛直奢賊之變罵賊不屈死

黃守魁福建人官總兵奢賊殺巡撫等官魁憤起手刃數賊被縛逼降不屈自縊其妾聞變投水死

章文炳福建長泰人萬曆癸丑進士由戶部主事歷郎中出知重慶治行廉潔罵奢賊賊將殺之

百姓以身蔽者數匝曰無殺我廉太守炳罵愈厲賊遂殺已知其賢爲覓屍殯而歸之喪出江上夾岸皆大哭

段高選雲南劍川州人萬曆己未進士知巴縣來踰月見巡撫徐可求被害厲聲罵賊賊魁戒其下勿殺欲降之選罵不絕遂遇害父汝元母劉側室徐及一子一女聞變皆自盡其僕盲死覓主屍亦被殺事聞贈選光祿寺卿諡恭節汝元等亦獲旌祀名宦

王登爵寧川衛旗鼓指揮奢賊變爵挺身翼巡撫徐可求與重慶衛指揮潘胤淮併遇害

王正經重慶衛知事罵奢賊被殺

吳應元巴縣典史知縣段高選被奢賊執元怒罵賊叱曰爾小官欲速死耶遂殺之

蕭美土沱驛丞罵奢賊遇害

王三策

策一作宅

直隸人重慶推官鋤強誅暴剛正白持任方數月奢賊變被殺未死醫者傅文進堂於賊治以毒瘡潰隕身祀名宦

洪應科順慶同知熊嗣先敘州同知萬全遵義叅將范之偉成都中衛百戶奉調至重慶遇奢賊同被害

盧安世字環水赤水衛舉人天啟中巴學博奢賊掠城邑令死之安世鼓集義勇誘賊渠孟竇山入城斬首持示賊賊驚潰掩殺無數後以監軍平賊有功陞兵備叅議甲申寇至不屈而死

陳士奇字平人福建鎮海衛人天啟乙丑進士有大節初授部郎忤魏璫罷歸崇禎初起巡上川

東道遷蜀學使晉蜀撫尋遷南通政道渝州獻賊犯夔門奇聞報志守渝將吏曰公卸撫軍蜀事非公責也曷去諸奇憤然曰大吏義與封疆共存亡遂入城時瑞王避闖賊自關中來奉以同守奇命將趙榮貴守梁山扼陸路會英守涪州扼江路榮貴逃英中傷賊薄渝城分兵據佛圖關賊兵負棺木穴城烘通遠門城陷執瑞王及奇等於演武塲奇憤詈賊怒折其齒猶含糊罵不絕遂殺

王行儉字質行江南宜興人崇禎丁丑進士年少
 姿玉立以部郎出守重慶甲申六月獻賊破重
 慶執巡撫陳士奇等及儉將殺之儉奮罵遂遇
 害

王錫字子美號古田江西新建人崇禎庚辰進士
 知巴縣有實學異才課士愛民姚黃賊犯境錫
 躬韎韜率民兵千餘禦之甲申六月二十二日
 獻賊陷城被執誘之降錫曰大丈夫死則死耳
 肯向盜賊求活耶時暑甚賊給茶一盃錫怒擲

之罵不絕口賊大怒曰汝安得速死命以鈍刀

磔之凡三日夜乃絕同時死事者惟錫為最烈

云祀名宦

陳纁關南道僉事崇禎癸未闖賊入關中纁奉

王之重慶甲申六月獻賊破渝與王俱死

曾英字彥侯福建人官遊擊甲申六月獻賊犯渝

英督鄉兵千五百人守涪州兵寡賊眾英中傷

手刃數賊兵潰英走永寧瘡平復集兵千餘至

油溪併刁化神兵與李占春于大海規復重慶

獻賊遣賊將爭之曰重慶要害地不可失英逆戰於多功城再戰佛圖關兩路俱捷斬首數千級排入江者無算賊大潰遠近來附至二十餘萬船數千號連營四十里獻賊欲東下吳楚不果英沮之也大兵至獻賊卒伏誅丙戌十二月獻賊餘黨破會營於重慶師潰英赴水死

皇清

任舉山西大同人雍正甲辰武進士素具忠勇志材勇過人任固原遊擊時值兵變手刃數人乃

定乾隆十二年大金川蠻酋逆命擢副將晉重慶總鎮督兵進勦山谿險阻雨雪淋漓舉舍馬徒步戰必先登首襲昔領扼其吭又取噶達達喇木岡等十餘處卡崙破木石城及碉樓二百餘座進兵色兒力山梁逼近賊巢賊避其鋒退守石城不出舉念士卒久戰力疲欲圍困蓄銳以待旋被帥令促戰提刀奮起乾隆十三年六月十六日躬薄卡前一踴而上連斫數賊賊鎗暗從臍下穿過後脇墮崖陣亡

漢 馮駿威虜將軍公孫述據成都岑彭謀伐蜀率虜
 宮等討述彭自領兵沂都江上拔武陽擊廣都
 使駿圍江州建武十二年七月駿拔江州獲
 將田戎江州平
 王堂字敬伯廣漢郫人安帝永初中西羌寇巴郡
 詔遣中郎將尹就討不克三府舉堂能治劇
 巴郡太守堂馳兵赴賊斬虜千餘級巴庸清

軍坊

漢

馮駿威虜將軍公孫述據成都岑彭謀伐蜀率虜
 宮等討述彭自領兵沂都江上拔武陽擊廣都
 使駿圍江州建武十二年七月駿拔江州獲
 將田戎江州平
 王堂字敬伯廣漢郫人安帝永初中西羌寇巴郡
 詔遣中郎將尹就討不克三府舉堂能治劇
 巴郡太守堂馳兵赴賊斬虜千餘級巴庸清

治郡寬猛相濟好獎善類進賢士元初三年舉
 孝子嚴永隱士黃錯名儒陳髦俊士張璠於朝
 竝至大位有聲益州刺史張喬表其異遷右扶
 風祀名宦

趙溫蜀郡人巴郡太守順桓之世板楯數變溫繕
 甲兵嚴備預示威信布恩澤蠻夷降服祀名宦
 曹謙性沉毅有謀略靈帝光和五年板楯寇巴郡
 以謙為太守降之

賈龍郡從事黃巾賊馬相寇巴郡殺太守趙部龍

領兵攻殺之

蜀漢

張飛字翼德涿鹿人昭烈入益州攻劉璋飛等逆
 流而上平定郡縣破江州獲劉璋將巴郡太守
 嚴顏顏不屈飛壯而釋之所過多降封王諡顯
 趙雲字子龍常山真定人帝攻劉璋雲與張飛沂
 江西上破江州雲從外水上江陽與諸葛亮會
 於成都帝伐吳雲督江州嚴紀律備卒乘軍令
 肅然封順平侯

宋

陳文襲渝州刺史性警敏有幹略時蜀初平襲繕城嚴守會賊圍城統士卒與判官卞震夾攻破之

卞震成都人孟蜀進士爲渝州簽書判官蜀平仍舊職會賊發圍城震率士卒戰守與刺史陳文襲夾攻破其壘賊遂平

劉舜卿渝州都監諭降瀘水蠻八百人誅其桀黠者四人蠻憚服不敢發

余玠字義夫蘄州人淳祐閒爲四川安撫制置使兼知重慶府先是官斯土者庸貪慘繆民不堪命玠大更弊政人心安定築招賢館有謀以告者不厭禮接播州冉生璉及弟璞挾文武才隱蠻中前後聞帥召不起聞玠賢詣府上謁玠用其議徙合州城釣魚山聞於朝璉權知合州璞通判州事玠慷慨自許有挈故地還天子之詔治蜀十年能績懋樹以讒召還卒巴蜀悲之祀

名宦

明

周德興濠人洪武三年封江夏侯以征西克副將

軍從湯和伐蜀入瞿塘克重慶降明昇有功

湯和鳳陽人備儻饒智略從明祖於滁陽歷功封

中山侯偽夏明玉珍子昇據蜀和與周德興廖

永忠楊璟等率荆湘舟師由瞿塘趨重慶明昇

降和贈東甌王諡襄武

廖永忠蕪湖人從太祖拔采石征陳友諒張士誠

余歷功封德慶侯同湯和等分兵趨重慶忠直擣

銅鑼峽明昇詣軍門降承制撫慰下令將士毋

侵掠東川底定御製平蜀文美之

楊璟合肥人本儒家子少沈毅讀書不喜章句好

武略歷功封營陽侯洪武四年從湯和趨重慶

明昇出降蜀地底定

沈運成化中任重慶衛指揮嫻韜略嚴訓練充叅

將守威茂蠻叛殺人運密置兵併其黨殲之

王士琦浙江臨海進士萬曆中知重慶府豁達有

大度果於任事播賊楊應龍負固久時制軍奉

命勦勦琦受檄單騎直驅賊境諭之出應龍果
至松坎聽勦引罪去隨擢川東兵巡副使賊不
敢犯

李化龍字霖寰直隸長垣進士歷官遼東巡撫忠
清謹恪持重有謀萬歷己亥播賊楊應龍再屠
綦江城叅將房嘉寵遊擊張良賢死之朝議卽
家拜少司馬總督川湖貴州軍務六月初十日
自京兼程赴成都十二月移鎮重慶會將士於
演武場撰文祭死事者悽切動人又爲誓師文

大誥軍士忠憤激烈將士鼓勵以明年正月
帥六月播平

劉綎字省吾江西南昌人四川都督顯子顯年二
十時嘗挺身與蠻鬪蠻畏之綎饒有父風善用
大刀人稱劉大刀又精神箭播賊變以綎爲
兵鎮重慶制軍李化龍征播兵分八路川兵以
綦江路爲首綎統之一戰而破三峒賊嘗云不
怕各處兵只怕是劉綎平九絲顯功第一平播
綎功第一父子勦名竝著綎復善詩入藝文

高折枝河南固始進士萬曆中任重慶府推官懲
奸除猾不避權勢播賊楊應龍將反憤然以勦
除爲己任綦江破時枝在成都日夜馳千里至
郡捍衛城池兵復變不移時談笑定之已復監
軍攻南川路諸軍未入先斬關擊賊隨與諸將
抵圍下遂克大憝播平夷漢畏服祀名宦

徐如珂字念陽江南吳縣進士授川東兵巡道聞
奢酋變毅然叱馭治兵銅鑼峽日親矢石諸路
各兵至遂復重慶比賊入藺巢一切兵餉皆藉

籌運深入不毛與士卒同艱苦進兵乾灘于灘
高水涸旬日不得進爲文率將校祭之是夕水
漲獲濟渡畢復涸其誠感如此郡人尸祝之立
祠奉祀

胡平表初爲忠州判官天啟元年奢酋之變表因
公在渝一時文武多遇害表急縋城出開道走
石碛女士司秦良玉處請接釋怨嫌激忠義平
表之力爲多援兵至表從事戎行躬冒矢石不
避艱危以軍功陞重慶司李

秦良玉石砬宣撫司女官具忠義有智略奢崇明
叛以厚賂求助良玉斬其使將所部萬餘人率
弟民屏姪翼明捲甲疾趨重慶營於南平關扼
賊歸路又燒其船賊大窘成都困良玉又率兵
六千援成都圍解賊躡貴州貴撫王三善被難
良玉弟民屏戰歿良玉上疏有讐不共戴義難
苟安之語上壯其志賜民屏恤典良玉激勵出
師卒蹙奢氏逆酋授首良玉功最多云

劉漢儒直隸大城進士崇禎時巡撫四川寬仁簡

靜然資性明決遇事有爲重夔寇盜竊發儒身
親橐鞬勦撫兼施士卒親附所向克捷至重慶
有詩題溫泉寺見藝文

皇清

李國英字培之正紅旗漢軍直隸宣化人順治三
年以成都鎮將隨 肅王定蜀獻賊殲滅八年
以都御史巡撫四川治兵閩中十四年晉總督
駐節重慶兼籌荆陝時十三家賊李來亨等尙
負固夔門國英帥師征討餘寇蕩平軍旅之後

勸課農桑民用足食駐渝十載忠誠寬簡吏民
懷服康熙五年卒祀名宦

王孫蔚字茂衍陝西臨潼人順治壬辰進士由刑
曹累官福建藩司左遷川東兵巡道值吳逆變
羣醜跳梁譚弘負固夔門彭時亨鷓張川北何
良柱截據合江馬寶占住遵義吳月雙杜學等
逼近綦南小寇如陳啟泰竊發於魚子沱張之
友猖獗於倒座廟揭竿弄兵四面皆寇重慶米
薪幾於斷絕蔚悉心保障團鄉勇撫流移催糧

餉雖未身矢石而籌運之功居多才敏識練每
視事握朱墨二管判決如流人皆稱之

溫恂直隸成安監生重慶府通判大師平定吳逆
軍洵專司糧務銖粒無悞轉運之費悉恂捐辦時
黔渝四面皆賊糧艘上下保護無虞厥功匪淺
焦映漢陝西監生康熙十九年知巴縣才識明敏
嚴任事實心吳逆之變大師雲屯巴當衝要漢百
計撐持修戰艦備水橈造浮橋製炮車團練鄉
勇安插難民軍需要務無不一呼立辦

按自腐遷作史立循吏傳讀其紀載輒景慕不能
 釋峴碑棠舍感興非淺巴渝郡邑最古自奢獻頌
 躡典冊散失聿考芳躅邈矣難追茲廣搜博采僅
 得若干人或奏循良或崇忠義或建軍功撫其實
 錄悉註於冊俾昔人一片精血灑於斯土者不與
 草木同朽且景仰前型堪為後步云

巴縣志卷之九 人物

邑令王爾鑑熊峯纂修

邑人周開豐梅崖校閱

人物志

勳業

漢

嚴遵字王思揚州刺史潔己惠民每當遷士民遮
 道詔留之居官十八年清貧如故卒於官義崇
 者齎錢百萬贍王思家其子徐州刺史羽廉讓

有父風謝不受義崇散以食行客郡守應季先
作嚴王思詩

謁渙汝南太守有公直稱與同邑陳爲譙章竝負
時名稱江州三傑

陳爲司隸效尉器度端凝秉正嫉邪立朝有聲
譙章度遼將軍嚴正剛直事關國計不避斧鉞時
稱忠耿

然溫度遼將軍守桂陽能得民心然姓在漢時爲
江州冠族有然存者亦聞人見郡守張泐碑陰
黃錯安帝時隱士元初二年郡守王堂強起之貢
於朝性剛直治尙清嚴不隣於苛

蜀漢

董和字幼宰初徙枝江獻帝時率族還劉璋以和
爲成都令時俗奢侈躬率儉約縣境豪疆憚和
嚴介說璋調爲巴東屬國都尉吏民乞留遷益
州太守昭烈定蜀徵爲掌軍中郎將與諸葛亮
竝署大司馬外牧殊域內幹機衡二十餘年死
之日家無儋石有傳載藝文祀鄉賢

董允字休昭和子初爲太子洗馬遷黃門侍郎遇事匡救帝嚴憚之累晉輔國將軍尙書令

晉

母雅博洽多聞學冠四科貢於朝除漢平令遷夜郎守廉明公慎夷獠感化

宋

馮時行字當可紹興狀元宰丹稜多惠政以奉禮郎與朱松等諫和議忤秦檜謫奉節尉遷知萬州部使者承風旨附會免官檜死起守蓬黎終

成都提點刑獄公明果斷所至有聲性恬夷好尋山水趣遇佳處輒留題有縉雲集本傳載藝文祀鄉賢
母夢牛咸淳進士初授樂源尉以博洽屢主試所拔多有才歷承直郎有歸全集祀鄉賢

明

劉信洪武初以賢良方正徵授陝西叅政剛正不阿謫東流巡檢從征都勻散毛有功擢忠州千戶

彭友信洪武初貢太學召見剴切敷陳太祖奇其
才擢北平布政剛直清謹不名一錢

蹇義字宜之洪武乙丑進士初授中書舍人歷官
吏部尙書加少師卒贈太師諡忠定歷事六朝
性謙約無一語傷人上前所言退未嘗洩其謹
飭類如此惠帝卽位擢少宰時巴人官京師者
二其一大理丞鄒公瑾靖難兵至瑾抗節死義
復事文皇至宣德立朝五十年位尊遇隆類多
唯諾宣宗廢后一事史論譏之

成都提點刑獄公明果斷所至有聲性恬夷好
尋山水趣遇佳處輒留題有縉雲集本傳載藝
文祀鄉賢

母夢牛咸淳進士初授樂源尉以博洽屢主試所
拔多有才歷承直郎有歸全集祀鄉賢

明

劉信洪武初以賢良方正徵授陝西叅政剛正不
阿謫東流巡檢從征都勻散毛有功擢忠州千
戶

彭友信洪武初貢太學召見剴切敷陳太祖奇其
才擢北平布政剛直清謹不名一錢

蹇義字宜之洪武乙丑進士初授中書舍人歷官
吏部尚書加少師卒贈太師諡忠定歷事六朝
性謙約無一語傷人上前所言退未嘗洩其謹
飭類如此惠帝卽位擢少宰時巴人官京師者
二其一大理丞鄒公瑾靖難兵至瑾抗節死義
復事文皇至宣德立朝五十年位尊遇隆類多
唯諾宣宗廢后一事史論議之

蹇賢永樂戊子舉人任監察御史執憲公平累官
湖廣布政有冰蘖聲祀鄉賢

王琬永樂庚子舉人廣西副使恤民勤政屢著賢
聲

張清宣德庚戌進士歷浙江布政素清苦非客至
不御酒肉人號爲菜張浙俗侈靡教以節儉以
疾罷

陳仲宣德貢生初授通判以擒賊功擢廣南守廉
靜剛直祀鄉賢

牟俸景泰辛未進士拜御史有鐵面稱歷山東巡撫救荒擒賊屢著奇功祀鄉賢

江朝宗字東之號樂軒景泰辛未進士歷官翰林院侍讀學士預修一統志英廟實錄稱良史才侍經筵多啟沃功成化己亥以波累謫廣東市舶提舉夷使願見者恐後所贄方物秋毫無取在粵數年未嘗有書抵當道以老乞休復學士銜屢舉鄉飲大賓善書富著述有紫軒集重慶郡志蜀中人物記卒年七十九有墓表載藝文

祀鄉賢

賈奭景泰甲戌進士歷都御史巡撫廣西剛介廉直不趨時好居官迄休老始終一致祀鄉賢

蔣雲漢天順丁丑進士歷官福建布政德望兼隆清苦自娛予告歸一室蕭然祀鄉賢

劉剛字弘毅性英敏能吟咏尤工楷法任赤城驛丞太守廉其才令攝縣事再涖臨海均有聲以孫春貴贈禮部尚書神道碑載藝文

張禎叔浙江藩使清子成化己丑進士巡撫寧夏

廉儉有父風以直言謫官風節爲時所重祀鄉賢

劉規字應乾成化己丑進士初令餘姚築海堤均里役恤災黎慎刑獄擢御史巡按山東劾監司不法者反爲所中謫鬱林州判遷新淦令以母老乞終養教子有法旣貴猶勤訓飭故春台二子聯元鼎甲科第綿衍不絕巴淪世族首推劉氏壽七十有三有墓表載藝文祀鄉賢

蹇霆少師義之孫成化乙未進士由侍御出爲憲僉剛方清儉不自矜高故人樂與遊祀鄉賢

黃鉞成化庚子舉人官陝西隴州牧潔已勤民致仕歸睦族贍貧祀鄉賢

劉春字仁甫號東川侍御規次子成化癸卯解元丁未榜眼累官禮部尙書贈太子太保諡文簡春在詞林二十餘年凡所舉動務計久遠居家孝友老而彌篤每語後進讀書人居官毋失秀才風味詩文簡勁字學率更而自成一家所著有鳳山集事詳列卿紀載藝文祀鄉賢

姚學禮弘治壬子京闈亞元癸丑進士歷官雲南副使性忠侃初居南臺以敢言忤逆瑾罷歸祀鄉賢

江玠號鐵峯弘治己未進士歷官陝西叅政謙恭謹密政尙平恕廷推清官第一致仕歸壽九十
四祀鄉賢

曹勅弘治壬戌進士官刑部員外遇大案詳慎勘校平反最多性廉介出使晉藩餽遺無所受時稱清節祀鄉賢

詹奎弘治乙丑進士爲戶部郎正德時逆瑾擅權抗疏糾彈幾罹禍挂冠歸瑾敗復起吏部郎中歷官十餘年清貧如故

劉鶴年字維新號雲臯御史規之孫正德戊辰進士初授戶部主事遷兵部郎中陞山西提學校士公明終任不持一錢再遷雲南叅政廉正剛方毀淫祠數百區滇人悅服以孫世會貴贈都察院右副都御史祀鄉賢

張縉正德戊辰進士官杭州太守廉正自持在任

八年節縮百費省民財數十萬遷都御史巡撫兩浙靜鎮安撫有保障功祀鄉賢

李邦正德庚午舉人歷官員外郎狷介莊嚴人咸敬之祀鄉賢

劉彭年字維靜號培菴大宗伯春子正德甲戌進士歷官貴州巡撫禮賢育才興利祛害所至有聲致仕歸樂志琴書啟廸後學鄉里推重子啟宗孫世賞竝以進士歷官司道壽八十餘祀鄉賢

任轍嘉靖丙戌進士知許州實心愛民值歲旱多方賑恤務俾得所擢守黃州採木之役曲爲調停民困以蘇歷遷貴州巡撫計擒叛夷許吾等邊陲以安祀鄉賢

曹汴字自山嘉靖己丑進士選庶吉士改戶科給事中性至孝能文章蒞政綽有風裁劾張璉桂萼忤旨逮詔獄左官外補遷浙江叅政告歸壽躋九秩祀鄉賢子大川大埜孫延諮俱進士

李文進嘉靖乙未進士司李衢州性英毅有節概

選給事中陳邊計十二事捕妖僧通法師治其
罪歷遷僉都御史巡撫浙江調大同檄總兵劉
漢襲俺答於豐州破之予廕錫金幣晉副都使
總督宣大山西性嚴毅有節概卒於官賜祭葬
有傳載藝文祀鄉賢

劉啟宗字宗之號初泉貴州巡撫彭年子戊戌進
士司李三衢有異政載衢志選戶科給事中以
疏救戶部尚書王杲語侵嚴世蕃廷杖謫荔浦
典史尋陞寧國司李遷知府修書院延龍溪心

齋二先生講學再遷遼東苑馬卿湖廣提學致
仕性至孝潛心理學著園中圖說發明太極之
蘊祀鄉賢

劉應箕嘉靖甲辰進士初知餘姚廉正有聲歷遷
陽和兵備與制府王崇古處置俺酋得體超拜
僉都御史晉副憲著有欵塞錄擊轅集祀鄉賢
任惟鈞嘉靖丁未進士性行峻茂治績清嚴令澄
縣繼知上蔡竝有聲遷御史嗣擢山東叅政剛
正自持不趨權勢楊椒山引重焉

鄧之屏嘉靖己未進士由南部郎知瑞州府擢蘇
 松兵備明斥埃練軍實裁冗費抑貪賂會時宰
 有屬意華亭相者屏不阿調廣東罷歸結詩文
 社講經義子元忠萬曆壬子舉人官汝寧同知

劉世曾字胤甫號鳳坪雲南參政鶴年孫嘉靖壬
 戌進士授慈谿令剛正廉明不通私謁與淳安
 令海剛峯瑞最善行取戶部主事遷御史掌京
 畿道同邑曹大埜任垣中受江陵旨將劾新鄭
 要會合疏不從萬曆改元權瑞馮保矯遺詔掌

司禮監曾抗疏發保奸江陵怒擬旨廷杖賴陰
 救僅奪俸居積歲避江陵以太僕少卿乞歸省
 再起擢僉憲巡撫雲南上疏免增金勦滅緬賊
 岳鳳羅會者繼宗竝有功晉右都御史兼兵部
 侍郎巡按蘇鄧奉命核破緬語劾削籍歸侍
 雙親備極色養後敘羅以還職有墓表載藝
 文祀鄉賢

蹇達字子上號理菴嘉靖壬戌進士祥符令行取
 禮部主事歷正副郎以言事謫補贊幕尋轉安

慶司馬擢守平陽提學山左校士公明拔其尤
館會城自訓廸之若馮宗伯琦王方伯象晉輩
皆爲名臣歷遷道司再任開府所至有聲入爲
兵部侍郎晉尙書贊理戎政每多碩畫加太子
太保總督薊遼經略倭夷勵鎮將嚴備禦常廢
寢食稅璫高淮驕恣橫虐遼左重困屢疏請撤
帝不省鬱鬱終贈太保賜祭葬有鳳山草堂集

祀鄉賢

趙可懷字寧字嘉靖乙丑進士由汶上令擢御史

歷遷兵部侍郎巡撫應天興利除弊吳民戴服
調撫保定陝西福建入爲工部侍郎稅璫陳俸
暴楚激變特命安輯之晉兵部尙書卒贈太子
太保賜祭葬懷居官四十餘年歷撫五省清貧
如秀才時朝論鄉評羣相推重時謂渝州人物
惟曹自山趙寧宇不愧典型云祀鄉賢
傳寵嘉靖乙丑進士歷官雲南按察使廉平正直
遇疑獄不憚詳鞫多平反罷歸里居四十餘年
接物和易教子嚴正子孫世其家法以忠厚著

祀鄉賢孫學禹崇禎癸未進士翰林院庶吉士
劉世賞字功甫號又川湖廣提學起宗子隆慶戊
辰進士初司李西安擢御史風裁峻整不阿權
貴歷官至河南臬司湖廣左藩清慎如一儉約
溫厚卒於官祀鄉賢

詹貞吉字德宇隆慶戊辰進士由兵部主事遷御
史巡按廣東剔弊除奸政勤守潔吏民安之歷
浙江貴州雲南湖廣四省監司所至肅靜居鄉
盛德一門雍睦親疏賢愚無不欽慕

曹大埜號荔溪浙江叅政汴次子隆慶戊辰進士
由祁門令擢戶部給事中阿附江陵劾新鄭相
高拱十大不忠謫乾州判官尋拜僉都御史撫
江西嗣爲言者中挂冠歸行李蕭然祀鄉賢

汪言臣字藻瀛萬曆丁丑進士選庶吉士遷御史
巡按真定峻風裁潔操守時馮璫用事以子民
禮來謁謝不與通御史劉臺以劾江陵逮詔獄
臣上疏白其冤平山邑饑矯詔發粟賑之全活
甚衆再巡廣東珠池盜萬人擒其渠魁餘釋弗

治祀鄉賢

楊芳字以德萬曆丁丑進士初令宜黃繼補鄞縣
推心置腹咸頌仁明累遷戶部侍郎巡撫湖廣
鎮靜寧謐得士民心有傳載藝文

倪斯蕙字爾澹號禺同萬曆壬辰進士初授蒲圻
令課士愛民歷太常少卿告養歸里居二十年
敦品勵節喜汲引後學開西湖大社賦詩論文
多所造就天啟元年奢會之亂報變請餉善後
連上三疏俱荷嘉納渝城既復奢會匿水西與

安賊互爲聲援躡黔窺蜀再上保蜀援黔疏起
拜南京戶部侍郎以言事忤魏璫歸有傳載藝

文

鄧元忠廣東叅政之屏子萬曆壬子舉人知益陽
縣愛民禮士清介自持遷汝寧司馬以不阿權
貴謫歸孝友端謹鄉里引重

吳嘉賓號灑石萬曆丙辰進士由司李遷南京吏
部主事再遷潼關道行至荊州卒時巴俗頹敝
惟賓具清操負偉略天不假年惜哉有灑石集

劉五緯字夢鳳萬縣籍萬曆己未進士令無錫有富民犯大辟介門下士餽以酒甕貯兼金緯卻之曰酒太濃無所用

劉紉天啟選貢知鳳縣才優守潔秦豫多事軍興旁午調度有方不悞公不累民歷署沔洋二邑所至多惠政桐鄉之思迄今未已

皇清

劉如漢字倬章號雙山道開子順治己亥進士選庶吉士改給事中歷吏禮兵工四科遷太常寺

卿言論丰采爲時推重典試江右甄拔多知名士晉副都御史巡撫江西丁外艱哀毀成疾卒賜祭葬祀鄉賢

周國彥字容菴以明經効力戎行授道州州同陞道州牧已得請適遘疾未任辭家武昌康熙丁卯回本邑壽八十終性剛直多面斥人過鄉里敬憚之而憐才樂善誨人不倦在職勤慎解官食貧未嘗以私干人前太守祝兆麒贈金買田爲治生資子八長開基康熙辛卯舉人中江教

諭七開曆歲貢閩中訓導八開豐康熙庚子舉人龍巖州州同致仕博學敦品爲邑典型舉鄉飲大賓主講東川書院邑令王爾鑑纂修縣志豐校訂之力爲多

龍爲霖字雨蒼號鶴坪康熙丙戌進士初授雲南太和令太和浮糧之累迨及百年霖請於上得免擢石屏牧均徭役繕城垣民大利擢守潮州擒大憝余猊陳阿蘭捕克惡林振千抵於法重建韓山書院肄業者百數十人請終養居鄉和

平坦易樂與爲善置義田贍族黨當事修學濬泮池及育嬰諸公事悉捐貲贊其成博學能詩工書尤精指書所著有兩漢史論本韻一得蔭松堂詩集古文制義易書詩三經叶韻彙駢集卒年七十事詳行狀載藝文

冉裕棐西陽土司族家於渝康熙壬午舉人任直隸良鄉令質實廉謹留心撫字良邑逼近都城差使絡繹棐調劑得宜讞獄詳明里民稱服廉使姜頴新嘉其誠勤贈以詩性戇直土官橫恣

爲蠻民累棊具以狀聞請改流官族人領之不計也

按坤輿靈淑之氣磅礴鬱積必有瑰奇卓犖之人挺生其閒巴自炎漢來人才接踵代生而享大名歷顯爵者列朝不乏自志乘燬於兵火前賢懿範邈矣難追簿書餘暇稽之史籍搜之坊碣採之傳聞得若而人編摩成冊考其勳業多名垂金石德比圭璋生其後者允堪模範其或醇疵互見瑕瑜並形據事直書無隱無諛匪敢訾議往哲亦春秋

責賢者備之意云

忠義

晉

母建永嘉元年為漢國功曹李雄破漢中太守杜
 孟治退走大桑谷為讐人荆子所執兵吏散走
 建獨荷擔仗歎曰吾雖不肖亦一國大夫國亡
 不能存終不屬賊也遂餓死谷中

宋

趙立字德修咸淳中進士以上書忤賈似道被謫
 德祐初起大社令湖北提刑使蜀趣諸將入衛

至重慶則咎萬壽已降張珏方城守爲後圖立
還至涪州聞珏被執沉水死祀鄉賢

胡天啟進士元兵至重慶啟負母逃被執欲殺其
母啟妻張哀號願以身代不聽卒殺之啟與其
妻呼天大罵元將奇啟貌欲活之曰汝從我當
共富貴啟愈奮罵曰爾奪我君又殺我母義不
共戴夫婦同死

明

鄒瑾字公瑾洪武初以經明行修授江津教諭拜

監察御史建文中改大理寺丞靖難兵薄金川
門徐增壽李景隆謀內應瑾與御史魏冕毆增
壽幾死瑾當陞大呼請速誅帝手刃增壽欲併
誅景隆不果景隆同谷王榭開門迎降瑾死之
舊祠在仁和門通志作江津人廣輿記載江西
安豐竝誤

尹鉉正統壬戌進士拜監察御史從英宗北征死
土木之難祀鄉賢

劉福成化己未進士歷官貴州按察使盤江賊叛

挺身赴戰遇害祀鄉賢

王養心府庠生工詩文奢賊樊龍張彤之變心詐降周旋兩賊欲行反閒於彤尤密因勸彤殺龍以自贖事洩龍收心令供同謀心備諸苦體無完膚抵死不承賊支解之後錄其子入學

陳懷德吏員官雲南衛經歷多籌畫歸里值奢酋之變以田產貸金募兵率鄉里願從者數百人守牛角沱遇賊力戰死

張祚達素負驍勇有智略樊賊欲官之不屈乃引刀自刳其臙見骨得免後從官軍與賊戰南紀門連斬數級力屈死

劉雨金貢生燕有臺榮經縣教諭廩生鄒良翰奢賊之變皆憤激不食死

金富廉少負勇略從事戎行歷官花馬池守備奢酋賊目樊龍叛據重慶廉傾貲倡義募鄉兵數千環江圍守賊有船數百艘往來搜劫廉率死士夜擊沉之賊船盡絕與賊戰中刃裹創更嚴不少卻

李大儒金刺龍張頤南李尙清竝里民家號素封
樂善好施予鄉里稱爲長者奢曾變儒等捐橐
金布粟募鄉兵各千餘助軍圍守身冒矢石不
避危險

何牟二孝廉逸其名奢賊據渝二子奮勇倡義便
貲財練鄉勇助軍有功

劉時俊字勿所榮昌人萬曆戊戌進士歷大僕卿
告歸天啟元年奢賊叛重慶戕撫道守令等官
俊奉命贊軍務駐佛圖關時監軍道戴君恩受

賊賂許讓路送歸俊破其計奮激將士併力攻
圍卒復城君恩如恨反噬幾罹奇禍寃白以功
加兵部右侍郎崇禎二年追贈兵部尙書子廕
襲祀榮昌鄉賢有傳載藝文

董盡倫合州人萬曆辛卯舉人初授清水令繼補
安定遷二守以鯁介忤時歸奢曾據重慶倫鬻
產貸金募鄉勇率子弟入城與州牧翁登彥誓
共守合賴以安巡道徐如珂壯倫志期倫援渝
倫慨然帥所募兵以前歲除抵江北元旦祭告

死事諸臣厲聲罵賊身先渡江直薄城下力戰
死事聞贈光祿寺卿祀合州鄉賢子三知慷慨
激烈有父風領倫所部兵餐荼宿露誓不殺賊
不已翁牧舉於道授僉書督兵屢立戰功

劉遠錫字泰岷崇禎庚午舉人任楚雄府同知劉
璠字君佩崇禎癸酉舉人任武陵知縣獻賊破
渝皆死之

竇成從戎爲皖撫標營隊長隨弁將廖應登守桐
城崇禎十五年壬午三月同往舒城偵賊登爲
賊獲挾至城下令招降成大呼曰廖將軍今爲
賊執來誘降賊兵無多城中可堅守援兵卽至
毋爲廖將軍惑賊怒寸磔之康熙初張文端英
持疏表成忠義立祠祀之

李默塾江人崇禎癸酉舉人流寇猖獗默召募土
兵守城請兵巴州馬牧發兵赴援破賊太守王
行儉聞其才請襄戰守默慨然率妻子至渝與
儉及巴令王錫日夜披堅執銳身冒矢石不少
避賊穴通遠門城破被執縛於演武場憤罵不

屈賊怒磔之舉家殉難

王四優人也性質實無狹邪氣與人處好談傳奇
中忠孝故事崇禎甲申六月獻賊逼渝四恨不
能手刃賊沽酒與妻女飲盡醉曰吾死矣義不
污賊刃妻曰汝死吾何獨生女曰父母死願相
從三口從容同就縊嗚呼死義死節死孝竝出
於優人之門難矣哉

皇清

李成芳字篤生由選貢初授貴州前衛經歷署餘

慶縣有聲康熙四年遷江西寧州州同剛直平
恕士民戴德康熙十三年吳逆陷楚寧介楚尾
盜賊蠭起芳練丁壯嚴備預防汎把總李忠與
賊通盜劫州庫芳率壯勇生擒忠上官紀其功
明年土賊張猶龍熊吉昌勾引楊逆衝城次於
上坑芳率師扼拒賊衆突出戰死沙邱七日顏
色不變州牧任暄猷上其事贈布政司叅議賜
祭葬予思賢以廕授順義知縣

傅汝友由行伍歷官提標隨征副總兵康熙十九

年出師永寧與提督王之鼎暨費雅達等被執
至貴州賊誘降抗節不屈死贈都督同知賜祭
葬其子弘經廕衛千總

李文仲任貴州安籠鎮標守備雍正六年六月勦
八達寨逆獍力戰陣歿贈都司僉書賜祭葬

李馥康熙癸巳武舉任成都城守千總署守備死
青海之難子紹祖廕千總

進喜水西夷人幼鬻於邑人龔瑜家性慤直篤忠
義瑜嘗以百金遣齋會城或曰資之糧矣瑜篤

信之返報果不爽瑜卒主母高方少艾遭隣火
燬家日落幾不自存高性固貞誓守節里人聞其
賢思聘挽大姓爲執柯喜怒礪刃不已或問之
曰將殺某勸之愈憤曰某豈不知吾主母貞而
以不潔語汚吾主母吾與之俱死而已主雖貧
薪水吾分但得幼主母子團聚雖死無怨大姓
懼乃寢喜勤力作任一家衣食年四十餘勞瘁
死

按巴自蔓子以忠顯聞其風者瀝膽披肝枕戈餐

刃莫不奮乎百世之下晉宋而往代有其人明季奢會跳梁獻賊荼毒守土諸臣忠於所事言言之烈足貫天地而銘金石矣生斯地者英風浩氣充溢江臯或忘身殺賊或義憤捐生彼膺簪綬厠膠序夙知大義輕軀命而重朝廷臣節士風綱維不墜尙已若里巷細民目未識乎詩書身無關於國社咸篤忠貞恥污賊寇可不謂烈丈夫歟稽事特書義魄忠魂當與山水菁英永昭千古云

孝友

漢

嚴永延熙中居父喪哀毀盡禮詔旌其門元初三年太守王堂以孝子舉於朝歷大位有聲

杜孝事母以孝聞家貧役成都母喜食魚膾孝買魚置竹筒以草塞之投中流祝之曰願吾母得此婦汲於江見竹筒橫來觸岸異拾之得雙魚曰此必吾夫所寄也熟以進姑聞者嘆其孝感

明

李凌高家貧性至孝父卒事孀母尤謹母疾思笋時嚴冬不可得高往林中泣竟日笋芽忽出地寸許治以進母疾愈年八十卒廬墓三年履穿肘見不櫛沐鄉人以李孝子稱之

施訓弘治壬戌進士歷官陝西叅議忠公廉潔督邊餉調遣有法事繼母以孝稱有微疾躬調藥餌不假手妻孀母勞止之曰非是兒不安也告養歸母卒哀痛如所生祀鄉賢

余壽字仁甫篤學力行里閭以善士稱性至孝失怙恃刻木事之如生或曰老氏教以精神致鬼神追亡者奉之壽即東山下鑿石為洞奉李耳像曰吾非吝佛希僊藉是報吾親耳有碑字剝蝕

徐懷劬以孝稱走馬岡有碑又道旁石梁鐫孝子故里四大字行實無考

陳龍橋性孝友走馬岡有神道碑行實無考

阜清

簡上字謙居號石潭順治辛卯舉人初授鉅鹿令

廉明仁恕拊循有方歷遷江南提學頒條教嚴
訓飭江南士至今稱之終廣西右江道性至孝
少值寇亂饑饉孤身負米百里外養親克暴欲
加害諦視之曰此簡孝子也護以歸仕後不營
私產分俸贍親故鉅鹿江南竝祀名宦有四書
彙解行世

丁世泰字一開康熙歲貢綏陽訓導事母孝年六
十告歸母八十餘家貧授徒於城二二日輒歸
省市梁肉親奉之繭足深山無閒寒暑與諸生

前語不禁涕出孺慕之誠老而彌篤

葉重開字芳叢康熙歲貢通江訓導性至孝母疾
養奉侍衣不解帶垢膩躬親浣濯弟重蕃司鐸潼
川卒訃聞告歸撫幼姪如子哭弟成疾終

葉重蕃雍正癸卯舉人潼川州學正與兄開竝以
孝稱事兄克恭兄朴責怡然受之長跪曰弟不
肖願兄終教厥後司鐸兩地依戀不忍捨卒於
官子女俱幼撫字婚嫁賴其兄云

葉樹猷業醫性至孝父飲猷執壺立下氣怡色構

別墅樹花數種天氣佳奉親坐而樂之進肥甘
醇酒無閒父歿哀思盡禮人咸稱之

按巴以孝稱者首漢杜孝孝編氓耳非有鼎養之
榮家貧力傭致生魚千里外竹筒浮江卒奉母膳
與廣漢姜仕遊之雙鯉竝耀千古爲其至性篤也
名榮竹策廟薦馨香迄今艷稱之嗣若明施訓色
養繼母及近時葉廣文重開重蕃互篤友于均足
爲父子兄弟法凡厥徽懿悉予闡揚生其後者緬
前型之可模保赤心於不失各親爾親各長爾長
肱被常溫田荆不死兄弟翁父母順家室康風醇
俗美徧我巴渝詎不庶歟

文苑

漢

陳髦安帝時人潛心理學不事藻飾元初三年郡守王堂以名儒舉於朝至大位有聲

張璠負雋才工文藻抽秘探華言辭麗則太守王堂以俊士薦對策稱旨備顧問稱文學名臣

晉

孟彪英才卓犖好讀書多關覽涉目成誦舉茂才時稱博雅

宋

蒲國寶開禧時狀元飽飫六藝博通經史與同邑
馮時行先後鼎名著作多散失僅得金堂南山
泉銘見藝文祀鄉賢

稅與權魏鶴山弟子闡性命之原通天人之奧究
心理窟世稱儒宗

稅安禮博通經史熟掌故遍遊名山大川作禹貢
指掌圖正訛糾繆考據詳明有功書傳學者宗

文之

明

月文憲高才博學逸氣迥上遇名山古蹟輒題詠
有詩集

王春少負奇才學淹博尤精易理嘉靖中以歲薦
任安化訓導聘修楚志楊升菴過渝造其廬考
論奇字著有縉雲內外集祀鄉賢

劉台字衡季號是閒御史規子弘治壬子解元丙
辰會魁初授濬縣令歷廣東提學與兄春竝有
文名同胞兩解元一時艷稱之台才氣俊逸腹

笥淵博工詩文尤長小令居林下四十年耽情
筆墨壽九十餘有是閒集

江中躍字峩東陝西叅政玠子幼負宿慧讀書十
行竝下髫齡以詩文雄鄉里嘉靖戊午己未聯
捷年纔十六官兵部主政遷員外筆墨捷敏乞
詩文者踵相接對客揮毫略不加點競嘆異才
陞提學道卒年三十二聞者惋惜

簡籍嘉靖舉人泰州學正讀書窮理恥尚浮艷生
平以理欲自訟端嚴寧靜雖盛暑必衣冠年九

十四坐誦程子四箴而卒祀鄉賢

劉綽字冠儒號東旭雲南巡撫世曾子萬曆己酉
解元才瞻學博弱冠有聲深自韜晦無統袴氣
孝友篤實砥行好修祀鄉賢

王應熊字非熊號春石萬曆癸丑進士歷官大學
士熊有異質讀書過目不忘十三補弟子員十
六餼於庠文譽日隆兵憲曹能始器之授以詩
古文法入詞垣分校南宮所得多知名士遷洗
馬轉諭德晉宮詹宗伯大拜極稽古之榮詩步

趨石倉有春石集史稱應熊熟諳典故而性剛
狠巴蔓子墓在熊涵園中熊毀之又熊弟應熙
與倪司農斯蕙子天和相軋成大獄倪氏傾覆
牽累者無算二事最爲里黨怨鄉賢之祀或以
文學光與有傳載藝文

鄧璜字佐之天啟丁卯舉人負雋才博觀書史工
詩古文辭戊辰試南宮已入彀以五策激切侵
魏璫復抑之遂閉戶著書不出

蹇宗伊字海嶠太保達之子好奇耽古結交多名
流恥與宦達見古文步趨歐蘇詩法盛唐而出
入眉山劍南閒性傲兀不治生太保歿不十年
萬金產盡廢遊江湖寄名藍蕭寺吟咏自娛途
窮至不能蓄妻子不介意或以斗酒園蔬招之
欣然就飲遇盛饌避之若浼故舊或遺之金分
貽親友屢空者餘悉付酒家字學聖教序而別
成一家

皇清

劉道開字非眼號了菴萬曆解元縉子原名遠鵬

崇禎癸酉舉人甲申後依大中丞李國英幕多
所贊畫以子如漢貴封太常寺卿好讀書富撰
述雖兵革流離筆墨不去手卒年七十有一所
著有楞嚴說通十卷自謂精神所在入嘉興方
冊龍藏中又自怡軒詩文集擬寒山詩痛定錄
數種

李以寧號雪樵康熙壬子舉人出王阮亭司寇之
門併受詩學任廣東西寧令公餘進諸生講授
詩古文法士人愛之歸以衰病杜門所與游者

好古之士五六人而已著有緩山草堂集不失

漁洋軌範云

劉慈字康成號鷺溪康熙壬午舉人授將樂令好
古力學足跡不至公門有鷺溪集

周開基字堯農號邵村道州州同國彥子康熙辛
卯舉人性孝友與七弟曆同撫其季弟豐克有
成立待諸弟怡如也篤志好學工詩文書做華
亭司鐸中江致仕歸兩舉鄉飲大賓卒年九十
有四

覃爲穀字罄宜號頴長康熙癸巳舉人廣西修仁
令少負文名甫冠補弟子員餼於庠踰壯膺明
經謂舉子業不足爲肆力於古有見山堂詩文
集

傅良辰字慎全號潛齋先漢陽人少遊盤屋李二
曲之門復受業射洪楊槐菴得聞道允邃於易
邑人馮鼎心異之同郡蔣秘鄧應宿瀘州林中
麟峩眉張天衢羣相講學推辰爲祭酒出所著
困學錄與諸子共切劘壽八十四無疾逝葬南

人城坪

羅醇仁字濟英號嶽峯乾隆乙丑進士性孝友弟
守仁卒於官拮据歸其喪撫姪如已子妹孝姑
殉母醇仁表揚之少讀書高嶽山足不窺戶文
名噪巴蜀兩掌書院多所造就好搜古耳目所
幸經靡不研探著有嶽峯集并中巴紀聞邑令王
爾鑑修邑乘多取裁焉

曹龍文號石航江津人家於渝湖州長興令衍琦
次子康熙乙酉舉人性孝友不問家計好賓客

博聞強記每一捉筆汨汨不能休富圖籍口手
一編無閒寒暑仕廣西北流令調興業未行病
卒

李專字知山號白雲江津明經家渝中面目古拙
學問淹博書法亦險勁而性簡傲少許可所與
游者龍鶴坪爲霖劉鷺溪慈三四人後移家遵
義終老在渝有詩入藝文

按山水者大塊之文章而靈奇瑰異之氣每鍾於
人文以宣洩之巴漢晉以來代擅聞譽宋馮蒲二
公以著作冠文苑之首膏馥沾漑競秀爭奇爲一
時景仰自明迄今駸駸口盛而騷韻之流遂多以
文章寫其山水雖名山慧業半沒兵燹而碎墨零
煙猶有存者光燄不滅姓字如新竊嘗卽巴之山
水評巴之人文娟秀似棠溪空靈如月峽光華則
縉嶺之雲馥郁則金碧之香字水三疊其波折也
華筌千仞其聳特也瘦石巉巖骨幹以之暮雨朝
煙神韻有焉若夫百貨集於市五土物其宜則大
春紛綸而非等諸玉溪之獺祭雖然莫爲之後雖

盛不傳後之人交相奮勉庶文章與山水乃竝著於不朽

武勳... 蜀漢... 楊宗官... 臆宗先... 之闡... 安蠻... 南浦... 明

陳志字尚之為燕山都護指揮有謀勇屢立戰功

封遂安伯

鄧琳邑文庠性豁達不事詞章好讀孫吳家言從

事戎行以軍功歷官湖廣鄖陽行都司總統六

營遷鄖襄總兵加左都督晉少保

鄧玘字明字少負奇志多技能投筆邊塞以勦流

寇授襄陽總兵莊烈帝屢詔褒嘉命總統薊永

保定等處節制南將兼都督福浙川湖貴提調

漢土官兵援勦畿豫楚掛平賊將軍印加後府

左都督晉太子太保卒於軍子文炳文魁文斗

竝以生員襲指揮甲申獻賊寇重慶過其墓下

馬拜曰將軍若在吾安能至此

皇清

吳伯裔號超菴邑昭陽里人康熙初中貴州武舉

吳三桂叛蹂躪巴蜀裔從事戎行平定重夔保

順有軍功歷浙江提標遊擊調福建海澄致仕

歸陶情詩酒足不入城時人高之壽八十五

韓良輔字翼公重慶總鎮成長子成入籍合州寶

居巴邑輔狀貌魁梧勇力絕人有膽氣十五六

時卽隨父殺賊已入文庠旋棄去復入甘州武庠弱冠中康熙庚午解元聯捷探花授二等侍衛隨征厄魯特有功授延綏遊擊遷宜君叅將宜多盜輔嚴窩主連坐法與文員和衷共理邑大治又多虎患造虎鎗教兵習殺虎技連獲百餘虎患遂息陞神木副將除奸匪出口墾田冒混之弊歷遷廣西提督勦獐擒猺厥功丕著改廣西巡撫卒子勳貴州提督烈葦蕩營叅將杰雲南奇兵營叅將

韓良卿字省月總鎮成四子康熙壬辰武進士由侍衛歷官甘肅提督岳鐘琪征準夷卿總統軍務機宜悉協卒於官 賜祭葬諡勤毅

韓勳字建侯良輔長子英勇多智略年十九中康熙戊子陝西武舉隨父出兵口外授侍衛歷鎮遠遊擊鎮雄叅將安籠古州總鎮以征逆苗屢立戰功陞貴州提督卒於官 賜祭葬贈右都督諡果壯大學士徐本著平蠻紀略表其功

按澤國多文神秀發也山國善武骨堅凝也巴環

境皆山雁舒鱗比虎伏獅蹲走馬長岡巨靈大臂
 盤旋拱揖塗山鐵柱撐漢穿雲鍾毓多俊挺材若
 鄧將軍兄弟以名家子投筆操戈樹大勳績可不
 謂偉丈夫歟鎮帥重地從軍者夥果能嫻韜略裕
 智勇為鄉里之扞衛作 國家之干城赳赳桓桓
 拜爵建勳寧必操弗律稱文壇健將哉

潛德

隋

欽珍開皇時人學通三家優游田里不樂仕進以

壽終

元

陳德榮篤志儒術英邁雄辨偽夏據重慶三聘不

屈結廬五峯山以文墨自娛號曰雲山先生子

四峻元奉新峻雅厚好古嚴於家法對家人必

以古今忠臣烈士孝子順孫為口實好施予值

歲饑異縣來糴者諒遠近給與程糧峻生子正中用中時中良中皆涉獵經史人所師憚

明

杜景賢居邑之善慶里讀書慕道隱遯不仕松陽
葉希賢爲建文御史靖難之變隱姓名走重慶
過其里景賢異之與往來白龍諸山山有松栢
灘灘水清駛蘿篁森蔚葉顧而樂之遂祝髮自
稱雪菴和尚景賢營利居之朝夕左右不輟

張翺隱居樂道多善行壽百歲後生請見者猶能

講說先正格言子四教官教諭壽八十有九孫

孝萬曆甲戌進士歷官按察使

張崇儒字德菴萬曆壬午舉人知河津縣告歸足
不至公庭當事高之性沉靜簡樸不炫才不忤
物鄉里有善舉踴躍倡先力能爲者獨任之鄉
人立碑紀其德

李之華字元白崇禎丁丑進士任宜大屯田推官
爲人磊砢負才氣工詩詞甲申之變潔身高隱
匿深山賣志以終

皇清

單銓字公簡號西原寄籍桐梓膺歲薦夙負文名
廷試第一康熙甲寅吳逆以禮聘不就幾罹
託病乃免蜀平授徒鄉里不求聞達當事重其
節

何仕昌字天一康熙歲貢立志希古篤學勵行不
樂仕進喜吟咏授徒縉雲山耽情泉石時論高
之有詩載藝文

龍英號南溪康熙辛未歲貢選寧番衛訓導不就

以子貴封太和縣令龍氏世有令德英尤恂恂
敦厚與人交不設城府家政嚴肅爲鄉邦式于
爲霖進士累官潮州太守

孫維垣字衛斯性灑落不趨時尚喜讀書好搜古
忽棄家擔書去不知所向

按處爲遠志出爲小草豈肥遯者高於利見隱居
求志其身潛其道見惟其時也巴川谷奧區或際
時命之窮或耽臨眺之樂誅茅結屋把酒歌吟徧
祥山巔水湄閒者代不乏人要皆生有可稱之德

歿垂不朽之言不然白首沉霾草木死者無算矣
其有當於潛之為言乎哉

節孝

秦 巴寡婦清其先得丹穴擅其利數世家不貲清能
守業用財自衛不見侵犯始皇以為貞婦而客
贈之為築懷清臺士天婚妻其生直感其貞

漢

馬妙祈妻義王元憤妻姬趙曼君妻華竝同里居
李夙喪夫誓不二永初中廣漢羗反虐及巴郡三
婦匿懼為拘辱同時沉漢水死黃鳥鳴其葬處

國人傷之作三貞婦詩

李烈女邑民正榮女聘聶氏子暴卒女聞悲泣自

縊死入祠

宋

胡孝烈婦張氏進士天啟妻元兵至重慶啟負母

逃被執兵欲殺其母氏哀號願以身代不聽卒

殺之氏與啟呼天大罵元將奇啟貌欲活之誘

秦

以官氏曰忠臣不事二君烈女不更二夫啟罵

猶愈奮夫婦同死

明

宣節婦夏氏庠生謨妻年二十謨病刲股以進少

愈數月仍卒誓不二撫六月孤事舅姑維謹年

八十五終成化閒旌表入祠

張節婦王氏邑民啟宗妻二十夫亡事姑孝守節

四十年旌表入祠

侯烈婦失其氏夫戍松潘歸途溺死婦方裁衣或

告之裁製自若告者再至婦號哭以剪刺心死

入祠

張烈婦毛氏邑民衮妻年十七適衮甫一載衮故氏觸棺頭面俱破血被地死

鄭烈婦負兒避亂江津之蒙溪賊至義不污投澗母子俱溺死入祠

王節婦李氏監生徽妻年十七徽病篤氏割股瘳之徽自著烈女傳以彰淑行踰數年徽卒氏撫棺不使斂欲同死家人解得免守志終身邑令上其事旌之

吳節婦段氏處士舜妻青年守志白首完貞巡撫

尹同臯題旌子起鵬贈吏部主事孫嘉賓進士

歷官陝西潼關道

王節婦彭氏處士漢武妻漢武歿氏方少艾矢志

守貞事舅姑養葬盡禮治家嚴肅三姑六婆不入門嘗曰女子當以禮自防此輩非善類也高年完節曾孫大學士應熊為宮詹時奉旨建節孝承恩坊

沈烈女艾姑芷姑庠生仍煒之二女也曾祖鯨祖崇極俱總兵官天啟辛酉奢賊據渝城二姑懼

辱同投井死有司上其事建雙烈坊旌之
劉節婦沈氏天啟年旌表見沈烈女艾姑芷姑坊
夫名事實無考

黃烈婦失其氏總兵守魁妾奢賊之變魁遇害婦
聞變投水死

陳烈婦孫氏長壽進士瑞州司馬庚齊小妻陝西
人性貞靜甲申之變齊解官避亂彭邑比歸被
賊執氏奪刀爭死賊縛其手挽髮至舟中氏嚙
衣扣付僕婦囑之曰汝逃去亟告君子請以是

董物訣舟發銅鑼峽乘賊解繫給食抱十歲女黔
姑投江死有傳

皇清

張烈婦夏氏年二十四夫國縉歿氏投河以殉隣
婦覺救之不得死後卒自縊建坊入祠

王節婦田氏年十八適儒士英歷八載英歿氏剪
髮明志家極貧孝事舅姑子封廣補弟子員苦
節勵行凡三十有四年入祠

王貞女小字貞姑真安學正咸宜女字重慶郡博

王會光祖之子王嫁有日而壬卒女聞訃慟哭欲以死殉母力解乃止請於父母願歸會曰翁姑老無嗣以婦代子兒分也且謀立繼嗣父母從之治素奩歸會服衰哭奠壬更色衣謁舅姑執婦道維謹歷三十餘年入祠

秦節婦徐氏年十八歸秦師聖六載夫亡矢志守貞孝事孀姑撫子成立苦節三十二年事聞建坊入祠

董貞女小字福姑幼字王瑞章年十七章卒翁親奠過門事翁姑父母難之斷髮毀容誓不再字守貞十有六年邑令孔毓忠旌以額

齊節婦宋氏庠生齊天文妻明進士宋學詩女年二十夫歿值譚洪之變偕姑逃竄力不強乃棄女負姑冒刃卒獲兩全姑歿辟踊哀悼殮葬盡禮伶仃孤苦歷五十有六載建坊入祠

龔節婦高氏龔瑜妻十七于歸二十二夫歿一子甫三齡繼姑垂白以女紅給事畜隣火延燒入室救姑眉髮俱焚姑病劇衣不解帶者數月及

卒喪盡禮苦節五十餘載建坊入祠

李節婦羅氏國靖妻靖卒子女俱幼氏年二十五姑欲奪其志慟哭自明形骸骨立畢子女婚嫁年七十有三苦節五十一年建坊入祠

徐貞女小字玉姑邑庠生兆福女字劉澤裕年甫十五澤裕天聞訃哀慟投繯以救蘇變服往弔幾自刎既葬斷髮毀容誓不他適翁子正作三原令挽舅氏及弟之秦敬執婦道終身不御綺羅隨姑回籍紉縫自給者十載以疾終年四十

五守貞三十一年旌表入祠

韓烈女小字桂姑重慶總鎮成之長女字陝西叅將孫思克之孫兆麟麟歿聞訃即日自經死廿撫莽鵠立請建坊旌表

顏節婦楊氏年十八適顏正色歷六載色卒諸父憐其少令改志以死自盟乃已事翁姑養葬盡禮苦節四十有七年建坊入祠

張節婦涂氏處士張瓊妻年二十瓊卒越四月生子鳴鴻家甚窘勤耕績善事孀姑二十載竭盡

孝養撫叔氏子鳴遠如已出鄉黨咸欽之建坊入祠

苗節婦黃氏茂芳妻二十二夫亡一子溱甫三月有勸其易志者截髮齧指誓不二天翁姑俱老甘旨無稍缺卒年七十九苦節五十有七年旌表入祠

齊節婦陳氏年二十適齊治越四載夫歿一子廷獻尙襁褓艱苦持家奉孀姑極孝凡三十有六年旌表入祠

牟節婦王氏故民牟陳常妻年二十七夫歿力勤紡織苦節四十有五年旌表入祠
孫節婦熊氏年十九適監生孫泰來三載夫逝家貧無以自給灌園紡績撫子成立子繼亡又撫其孫茹荼飲血凡四十有一年旌表入祠
董節婦周氏貢生董經妻歸八載經歿三子俱幼家貧姑老女紅度日一門老幼婚喪畢苦節三十有六年時年六十四旌表入祠

劉節婦陳氏廣寅妻年十九歸寅五載遺一子俱

甫彌月夫亡事孀姑盡職雍正三年六月大雨
隣牆傾壓屋氏倉皇負姑出人謂孝感守節三
十有七年卒年六十有一旌表入祠

劉節婦孫氏劉世縉妻年十六適世縉生子釗甫
六月世縉卒父及翁姑憐其少遣所親勸改節
氏引刀自誓翁姑歿哀盡禮苦節三十有二年
羅孝女小字孝姑貢生羅俊女進士醇仁妹甫生
父卒幼淑慧事母善承意旨年十八母病割股
療之不愈易簣時告母永侍地下母卒將葬遂

縊柩旁督學宋在詩作孝女傳邑令王裕疆題

孝媿娥江揭表其墓

孫節婦湯氏孫繼祖妻年二十三夫亡守志孝養
翁姑值隣火棄子負姑火及而滅人以為孝感
教子壽華餼於庠貢入成均年七十餘卒旌表

入祠

陳孝女悟音父貴初以武職戍西陲女性至孝痛
父遠徙欲效緹縈故事不可得日夜號泣遂薙
髮入寶蓋寺為尼朝夕禮佛祈父生還聞父卒

慟哭不食者屢日服衰三年性聰識解超悟守
戒精嚴六十年一塵不染化去數月面如生里
人鑿塔奉之邑人李爲棟有悟音石洞碑記見
藝文

割鼻子二居士逸其氏世居南城坪幼字同邑王
某順治初迎娶在途流賊衝散懼受污遂毀容
剗其鼻隨衆逃入滇爲人負薪水糊口者四十
餘年康熙中老不任力作將自沉於江會其夫
商舶夜坐聞泣聲異之呼同輩訊顛末悉符其

夫亦至老未娶衆皆感泣爲卜吉成禮時年俱
逾六十偕歸渝北小龍坎築復圓寺夫婦焚修
稱大二居士壽終

彭節婦何氏儒童彭世學妻青年守志家貧事姑
孝姑疾刲股療之苦節五十有六年壽八十有
二

金節婦張氏庠生聲祥妻夫亡守志訓子維先諸
弟子員苦節三十有六年

白節婦劉氏庠生淳妻年二十五夫亡守節事姑

孝現年六十有七

謝節婦蔣氏寸灘苟垣民謝士聰妻年二十五聰

亡矢志守節現年八十有六性好善施已田於

體仁堂縣令旌以額

蔣烈婦張氏蔣玉錫妻有篋工焦言者偶傭氏家

夜乘閒潛房側以刀掘竇入欲汚氏不從遂被

害

陳節婦李氏登雲妻年二十八登雲卒養翁姑撫

一子成立苦節四十餘年

莊節婦宋氏三奇妻二十一夫歿矢志守節孝事

翁姑慈育稚子歷年五十四歲

王節婦秦氏國泰妻年二十五夫歿糟糠自給事

姑撫幼苦節三十有五年

王節婦崔氏王謨妻夫亡守節五十有三年

安節婦吳氏進修妻夫亡守節五十有三年

張節婦孫氏張仁妻年二十三夫亡遺一子甫五

月夫弟甫六月家貧無以自給氏勤女紅為養

殮計竭力事姑姑病割股救之苦節三十餘年

李節婦張氏李相泰妻年二十七守節撫子仕茂
成立官千總年踰八十乃卒

張節婦章氏張會妻夫亡守節五十有二年教二
子俱成名

按節烈根於至性樹禮義廉恥之大防志矢閨門
名彰朝野天下後世聞風興起焉然守志全身殺
身成仁一經闡發動邀鉅典必其實跡昭彰人無
閒言庶典制芳型不褻不辱近年以節烈請者甚
衆雖事皆陳迹爲守土者所樂聞而非汚卽濫反

無以誨賢人忠厚之遺故有已列旌揚輿論不符
者除之有窮簷苦節旣沒世而民稱者註之各還
其在彼之實而我無容心如曰善善欲長藉爲地
方生色非風世之正論也

其介勉之宜而於其心曰善善於其德也此
法利之在也其德也此而久其德也此而久
其德也此而久其德也此而久其德也此而久

流寓

唐

韋述京兆人富書卷善綴文舉進士時甚少考功
郎宋之問器重之開元中校書秘閣撰開元譜
二十卷遷集賢院直學士累官工部侍郎在書
府四十年居史職二十年勒成國史事簡記詳
蕭穎士以為譙周陳壽之流後陷賊流渝州兵
戈搶攘著述不輟

宋

冉璉冉璞兄弟也播州人有文武才隱居蠻中前
後聞帥辟召不起制置余玠知重慶冉聞其賢
遂詣府上謁玠賓禮之居數月無所言玠設晏
酒酣坐客紛紛陳所長璉兄弟飲啖而已玠以
微言挑卒默然明日更闕別館處之供帳有加
日使人探所爲兄弟終日不言惟對踞以至畫
地爲山川城池形起則漫去如是又旬日入見
請徙合州城於釣魚山玠大喜聞於朝以璉爲
承事郎權發遣合州璞爲承務郎權通判州事

徙城之事悉委任焉

明

馬文升字負圖河南禹州人景泰辛未進士由御
史歷兵部侍郎總督遼東軍務成化十五年汪
直巡邊所至道院皆屈膝升抗不爲禮奴視其
左右落落無所餽直啣之誣奏逮詔獄謫戍重
慶閉戶著書不通當道或時尋佳山水一登眺
焉直敗起副憲晉大司馬終冢宰贈太傅諡端
肅

呂潛字半隱號石山遂寧人閣部東川公大器家
子崇禎庚辰進士官行人明亡僑寓金陵康熙
二十年歸蜀往來渝城住藏經閣爲人美丰儀
和平安雅學問贍博工行草書能詩尤妙於畫
有子久北苑筆意在江南稱三絕今畫不復可
得其字散落人閒咸寶貴之詩有課耕樓集

皇清

余价字君維夔郡廩膳生初受知朱經略繼奉川
督李宮保視篆夜郎五月辭歸寓於渝絕意仕

進博稽古今典故探源流析異同辨論考據雖
舟中旅次不少輟著夢尋紀事詩子德中英才
博學十六舉於鄉有橘園集

張安絃字琴父號青嶼浙江烏程人高才積學以
詩著名康熙初隨父宦遊夔門繼寓渝吳三桂
重其名以書禮徵聘卻之著述甚夥有青嶼詩
文集

余澗字宗建浙江山陰人修髯偉貌灑落不羣與
人交醇如也遊渝樂之買田終老酒酣喜作小

詞隨手散落多不存稿

徐啟後字會邨海鹽人生時祖夢迎塗山啟後匾至其家遂以啟後名之康熙庚寅辛卯閒遊蜀家於渝終焉最工詩

程遠字邇修號葆真子浙江湖州武進士康熙中任川督右營遊擊罷官寓重慶詩宗晚唐字學松雪畫本張穆之尤精鷹馬年八十餘終其詠梅有冰霜萬里猶存骨桃李三春不是花之句生平氣節遭際都可想見

陳卓字卓人江南上元儒士客居渝溫雅和平未見有怒容多學能詩所至有驚座風有詩入藝文

按巴擅山水之秀游者樂之名人韻士多僑居焉然必其事可紀其人可傳使後之載筆者俯仰低徊爭援引之以爲重某水某山某昔臨眺某鄉某里某昔廬旅非其蹟有不容湮沒者耶不然巴爲五方會葛渡棠溪風駛雲集其能爲字水光歟

漢 張道陵字漢輔秉性嚴直經明行修永平二年為
 江州縣令歷司空封侯漢安元年解官入臨邛
 赤石城靜思精至後得道見立都律
 明 雪菴和尚不知何許人靖難初走重慶善慶里山
 水奇絕可廬遂祝髮焉里中有隱士杜景賢異
 之與往來白龍諸山山旁有松栢灘灘水清駛

釋老

漢

張道陵字漢輔秉性嚴直經明行修永平二年為
 江州縣令歷司空封侯漢安元年解官入臨邛
 赤石城靜思精至後得道見立都律

明

雪菴和尚不知何許人靖難初走重慶善慶里山
 水奇絕可廬遂祝髮焉里中有隱士杜景賢異
 之與往來白龍諸山山旁有松栢灘灘水清駛

蘿篁森蔚景賢爲建寺朝夕諷誦聞者以爲佛
經也往觀之讀易乾卦不輟嗜楚詞每袖一本
棹小舟急流中朗讀一葉輒投一葉於水投已
輒哭哭已復誦終卷乃已衆莫測何謂或傳和
尙當建文壬午爲御史不數月帝遜位乃憤然
遁跡浮圖云死之日其徒固問師何許人和尙
張目曰松陽問姓名不答識者以爲松陽葉希
賢也廣輿記載葉希賢一名雲松陽人任御史
建文之變家人驚走相失疑其已死希賢實亡

在外隱姓名削髮爲僧利於蜀之重慶號雪菴

和尚

張三丰名君實字玄一遼東懿州人或曰天目人
洪武初至太和山往來長安隴右又至揚州題
瓊花觀詩入蜀與獻王交留蹟甚多至夔州寓
開元寺萬曆閒住銅梁巴嶽山與司馬張佳胤
善今山有木蘭一株云三丰手植張歿至巴邑
南城坪構菴居之嘗題詩玄天觀後莫知所終
今南城坪尙有三丰廟其故蹟也

南宗和尚不知何許人萬曆閒止於華蓋山之筋竹坪建道場延待緇素僧嘗滿千坪高苦無水一日大風雨有龍自後山來迎而止之曰汝神龍當住此護法龍應聲漩入地中成井甘泉不竭今山之南堂是也

篆水法師高原大師之首座也儀表偉然博綜內外典嘗講楞嚴於蓬州青蓮寺有雨花之瑞崇禎閒居渝城西湖禪院年八十餘剋期而化一日夜口中猶作蓮花香破雪和尚曰此不妄語

之報

金堤和尚崇禎閒遊於渝露頂赤足後入火關於南紀門外大悲閣有人見之於夔州及歸師固未出關也已卯歲化送者千人順治初復有人於雲南遇之尋又至遵義受法於破山老人

皇清

海明號破山梁山人幼披剃遊四方所至叅扣多契合得臨濟嫡傳歸遭亂係可旺頗尊養之一日掠男婦數百將殺師令釋可旺曰師破戒便

當釋遂飲酒食肉可旺喜盡釋去又潛使美妓
數人嬲之終夜酣睡如死既制府李國英開府
重慶中軍姚玉林奉師於治平寺歲大旱玉林
曰不雨柰何師曰設戲筵欵老僧當爲汝求玉
林遂置酒醉歸臥方丈是夜玉林夢師跌坐南
天門向上帝祈雨次日午甘霖大沛玉林喜甚
自制府爲建醉佛樓

聖可破山第十二法嗣俗姓王邑之江北鎮人童
年披剃潛心內典破山深器之付法於雙桂堂

割華巖法幢著道德經順釋年九十呼徒衆至
拍手大笑圓寂焉

南範和尚名寂崇湖南寶慶人初入蜀住峩眉久
之至合州方山寺後來渝挂錫禪崖寺終焉覲
其動靜似有故而僧者叩鄉里眷屬不答也工
詩詞所至多留題有亭溪七律禪崖詩餘入藝
文

韓復性號靈傳播州人五福宮全真中年修道力
卻塵凡康熙丁亥仲春廿二夜半呼衆說偈云

江南遊遍復相逢看破人閒總是空去去去
難留玄機依舊在閻浮說畢端坐而逝太守陳
邦器磨壁鐫真修行人四字表之

姚瓜種山西人康熙末年來渝不衫不履見人輒
罵多中人陰私及所欲問者嘗七日不食亦不
言饑一時呼爲瘋道人後遊峩眉時往來嘉州
至乾隆十六年不復見

潘鼎持直隸人善南宮性剛方不輕語笑年七十
遍歷名山至渝住東華觀通文義所書符籙往
往有驗贈以金不受嘗言勝邪須用自己正氣
言術者妄也後遊陝西樓觀臺羽化時年幾百
歲

曬道人不知何許人問之不答康熙庚午辛未閒
忽來五福宮日仰臥石盤望烈日不轉睛三伏
亦然其面若初發芙蓉居半年不知所在
文東陽山西平陽人觀其動靜語默蓋中有所得
者五福宮殿壁有所畫呂祖海蟾醉仙栩栩欲
與人語真仙筆也

實性字天然華巖門徒力苦行善叅悟語言文字
直透禪宗遍遊名山主錫京師東直門華嚴禪
寺邑令張兌和曩客都門與師善乙丑秋兌和
入蜀師以祖庭乞護法并有將歸故山之志辛
未兌和再入都重訪舊遊而師已於先一歲化
去攜其語錄畫影歸付住持元徹位諸祖庭亦
不負師還山之願云兌和有華嚴紀事詩并序

見藝文

按釋老之學崇虛無尚寂滅非所以經世勵俗儒
者不道何爲繫其人而傳之第巴山水幽深白足
黃冠習靜棲真不無出塵之侶雖僊佛之說所不
敢知而雲瓢煙笠風致灑然說偈詩壇皈依文苑
擇其尤者余能樂道之祇園苦樹存而不論佞佛
者固非豈闢佛者盡有當哉

巴縣志

實性字天然華巖門徒力苦行善叅悟語言文字

李

頰喉而雲標歎笠風

黃嶽腎精髮真不無出

